

欽定大清會典圖


欽定大清會典圖卷二百六十九


輿地一百三十一

科布多所屬蒙古游牧圖

科布多所屬蒙
古游牧圖一


中






科布多所屬蒙
古游牧圖二


中南
一






科布多所屬蒙
古游牧圖三


南一
右一






科布多所屬蒙
古游牧圖四


中南
二






科布多所屬蒙
古游牧圖五


南二
右一





科布多所屬蒙
古游牧圖六


中南三



A hand-drawn map on a grid background. The map shows a coastline on the left side of the grid. Several locations are labeled: 'MADRID' at the top left, 'CANTON' below it, 'VILLAGE' to the right of 'CANTON', and 'MADRID' further to the right. The map is oriented with the coastline on the left side of the grid.

科布多所屬蒙
古游牧圖七

南三
右一



8

易經

科布多所屬蒙古游牧在

京師西北凡七部曰杜爾伯特曰輝特曰明阿特
曰札哈沁曰新和碩特曰新土爾扈特曰烏梁
海共三十旗東起杜爾伯特左翼三旗輝特下
後旗同游牧西為杜爾伯特右翼十一旗輝特
下前旗同游牧又西為阿爾泰烏梁海七旗東
北為阿爾泰諾爾烏梁海二旗杜爾伯特之南
為明阿特旗又南為札哈沁旗新和碩特旗又
南為新土爾扈特二旗科布多城在明阿特旗
南伊克阿拉爾泊北參贊大臣幫辦大臣共治

馬科布多河上源曰索郭克河出杜爾伯特右翼西北境合數水東南流和通泊和托昂泊輝漢泊諸水合而東北流復合哈拉泊水和圖河東流注之又屈曲西南托爾博泊塔爾巴泊二水合北流注之是為科布多河折東右納一水又東經旗南洪郭爾鄂隆嘉們北二水合北流注之又東經庫靈圖山北齊克爾台河出旗東北合根德克圖泊水烏里雅蘇圖河戴舒爾泊水匯為沙札海泊復南出注之折東南錫博爾沙札海河合一水西南流注之又東南經科布

多城東北一水出黃覺舒魯嘉們西。一水出沙
拉布拉克嘉們西。並東南流注之。又東南經城
東北。布彥圖河出阿爾泰烏梁海旗東境。合錫
克爾什台河。德倫特河東流經城北。又東北注
之。又東南注伊克阿拉爾泊。南受二水。其東為
哈拉泊。又南為都爾根泊。札布干河自喀爾
喀札薩克圖汗部來。西流合奇爾吉斯泊。愛里
克泊水緣界南流入哈拉泊。瀦焉烏隴古河上
源二。東源曰布爾干河。出阿爾泰烏梁海旗東
南境。南流右合哈拉泊水。左合索必爾河。岳羅

圖河。經新和碩特旗東。西南流。右納三水。經新土爾扈特旗東。會西源。西源曰青吉爾河。亦出阿爾泰烏梁海旗西南境。上承哈拉泊南流。左納二水。察漢河合二水。西南流注之。又南與東源會。是為烏隴古河。折西流。經旗南。胡齊斯北。屈西北。經薩爾巴圖山北。匯為巴噶泊。又北為赫薩爾巴什泊。渚焉。泊亦名烏隴古湖。即古乞則里八海也。其西岸為新疆塔城廳界。額爾齊斯河出阿爾泰烏梁海旗東山麓。二源。東曰華額爾齊斯河。西南流。西曰哈拉額爾齊斯河。南

流與東源合。是為額爾齊斯河。左納阿爾克河。
折西北。右納蘇布圖河。又西北。克林河。舊曰齊
蘭河。合罕達海圖水。而木里特水。古魯特水。西
南流注之。又西北。阿什魯庫魯水。合克什布拉
克水。乞必斯朗水。南流注之。又西。布爾崇河。舊
名博爾集河。上承喀喇斯湖水。合浣木河。梭木
河。吉克嶺水。白克得可水。南流注之。又西北。阿
克哈巴河。畢列子克水。阿勒克別克水。並南流
注之。又北。噶勒吉爾河。舊名哈雅爾巴斯河。上
承巴爾哈泊水。西南流注之。又西。匯為齊桑泊。

阿哈爾巴什河哈柳圖河亦西南流。豬馬又西北出。仍名額爾齊斯河。科爾沁河舊名輝齊爾河。西南流注之。折東北。經虧屯和碩西。又東北。經舊和尼邁拉虎卡倫北。烏克爾水東北流注之。又東北。納林河出舊卡倫南。西北流合博集海河。托和羅圖河溫都里烏蘇河博魯爾河庫蘭阿集爾干河注之。又北。會布魯爾河。河出旗西。阿爾泰山北麓。西北流合欽達噶圖河喀拉河北流。右納阿爾察圖河。折西北。右納布爾噶克河。又西北。吹河二源合。西南流注之。又西。昌

吉斯台河北流注之。折北左納一小水。又北布克圖拉穆河合海爾庫捫河西南流注之。折西南與額爾齊斯河會。額爾齊斯河又北入俄羅斯界。烏布薩泊在杜爾伯特左翼旗東北。東北跨唐努烏梁海境。受其界內西南來諸水。東南有納林蘇穆河合古薩泊水西流折北瀦焉。西南有哈爾齊拉河坤都勒克河並東北流瀦焉。西有薩克里哈拉河。西北有布奢圖河並瀦焉。阿爾泰泊在阿爾泰諾爾烏梁海旗東北。上游為巴什庫斯河。出旗南境二源合北流。左合庫克

額爾吉河折東北右合巴哈蘇爾魯克河。又北
哈拉胡集爾河阿斯巴圖河並東流注之。教爾
漢河合沙克蘭河與綽爾齊河並北流注之。又
東折北匯為泊。格吉河出其東巴哈齊里河伊
克齊里河郭爾達爾河出其西分流注之。復北
出為阿爾泰河。北流入唐努烏梁海界。哈屯河
上游為納爾噶河。出阿爾泰諾爾烏梁海旗南
境。二源。東曰噶老圖河。三水合西北流。西源曰
烏克克河。三水合東北流。相會北流為納爾噶
河。屈曲東北。庫克水合一水與札斯台河並東

北流注之。又東北鄂衣滿河合哈集爾庫捫河。庫克水東流注之。又東北札爾滿河東流注之。又東會達爾欽圖河。河又名吹河。亦出阿爾泰。諾爾烏梁海旗南境。東北流。博羅爾布爾格蘇河合一水。西北流注之。又東北博爾錫克河。庫克額爾言河合。西流注之。左納察罕水。又東北經阿爾和碩西。又東北與納噶爾河會。是為哈屯河。折象北。左納烏賴河。僧瑪爾達河。右納札喀胡什河。喀達林河。又東北亨吉河上承亨吉泊。東流合哈拉胡吉爾河注之。又東北入唐努


烏梁海界。阿爾泰山即金山在阿爾泰烏梁海
旗境。東界唐努烏梁海喀爾喀札薩克圖汗部
西界新疆塔城廳北界俄羅斯及哈薩克南界
新疆迪化府。


欽定大清會典圖卷二百七十

輿地一百三十二

唐努烏梁海游牧圖

唐努烏梁海游牧圖一







唐努烏梁海游牧圖二

左中


一






唐努烏梁海游牧圖二


中南
一






唐努烏梁海游牧圖四

左南
一一







唐努烏梁海游牧圖五

左南


一二






唐努烏梁海游牧圖六


中南
二






唐努烏梁海游牧圖七

右南





唐努烏梁海游牧在

京師西北分隸於定邊左副將軍及三音諾顏部
札薩克圖汗部哲布尊丹巴呼圖克圖共四十
八佐領定邊左副將軍所屬二十五佐領其二
在德勒格爾河東岸其二在穆遜山南其四當
貝克穆河西流處其三當謨爾阿拉河源其四
當噶哈爾河源其十跨阿爾泰河阿穆哈河三
音諾顏部所屬十三佐領俱南依鄂爾噶汗山
札薩克圖汗部所屬五佐領其一在庫蘇古爾
泊北其一在德勒哲河西岸其一在貝克穆河

華克穆河之閒。其一在謨什克河西。其一當札庫爾河源。哲布尊丹巴呼圖克圖所屬三佐領。在道托泊北。伊克穆河一作大克穆河。即古謙河。二源曰華克穆河。曰貝克穆河。華克穆河上源曰騰吉斯河。出托羅斯嶺南流。道托泊舊作陶托泊。匯和爾哈河。烏魯河。烏圖拉克河。阿喇賽河。齊錫希肯河。西出注之。又西南左納布斯必河。右納多集穆河。是名華克穆河。又西南巴爾吉河北流。匯為特里泊。西北出注之。折西左納哈爾吉河。又西札噶台泊。水東北流。合吹河。

哈拉木倫河注之。折北流。右納哈拉烏集布河。和卜托河。左納錫集木克木河。又北會貝克穆河。河出華克穆河源之西。南流為哈拉伯魯克泊。西南出。右納圖集泊。水折西。左納庫克克穆河。又西。哈塔薩克克河上。承特爾里克泊。水西南流。右合伯德克穆河。注之。又西。鄂克穆河南流。注之。又西。左納轟郭爾烏斯河。達卜蘇河。右納伊博克河。又西。與華克穆河會。是為伊克穆河。又西。圖蘭河合鄂克河。西南流。注之。又西。謨什克依河上。承圖爾根河。額勒古斯河北流。注

之。又西巴拉克河東北流注之。烏蘭烏蘇河南
流注之。又西經布拉汗山南。甕衮山北。謨和爾
阿拉爾河合一水。屈曲北流注之。又西額錫穆
河南流注之。又西察漢阿拉爾河合托爾和里
克河東北流注之。特穆爾烏蘇河南流注之。又
西札庫爾河合三水西北流注之。又經克穆克
穆齊克博爾齊爾北。折北流。會克穆克齊河。河
出唐努山西麓。東流。吹河巴爾魯克河合東北
流注之。又東北阿克斯河阿克河並東南流注
之。又東集爾噶胡河東北流注之。又經蘇特泊

南。又東雅雷克穆河南流注之。札達克河合坤
德爾格衣河東北流注之。又東經花漢台山北。
屈曲北流與伊克穆河會。伊克穆河又北經塔
爾噶克山西。又北入俄羅斯界。阿努河出鄂爾
噶漢山北流屈西北。察罕米哈河出傲蘭烏納
胡山西麓北流折西注之。又北阿穆哈河出鄂
爾噶漢山東北注之。又北入俄羅斯界。哈屯河
自科布多所屬阿爾泰淖爾烏梁海北流入界。
折西北。阿爾泰河亦自阿爾泰淖爾烏梁海西
北來注之。又北流亦入俄羅斯界。庫蘇古爾泊

在唐努山東。伊克杭哈河納林杭哈河哈拉却
爾河納林和羅河伊克和羅河並出穆遜山南
流匯焉。阿拉克察爾河西北流匯焉。又南出為
額赫河。又南右納阿爾坤河及二水。左納波羅
布爾哈薩台河四小水。折東右納三水。又東北
伊克河。河出庫克托羅蓋卡倫南。舊名庫克托
羅蓋河。西南流畢蘭河合。一水南流注之。又西
南達爾欽圖河合。一水南流注之。又東南鄂里
納河齊丙河合。南流注之。又東克克特河合。二
水南流注之。又東右納一小水。阿拉伊勒爾河

南流注之。又東南與額赫河會。額赫河又南入喀爾喀土謝圖汗部界。德勒格爾河出唐努山東南。二源合流經阿哈里卡倫北察罕布隆卡倫西。東流折南。又東南伊克河羅河合六水。東南流注之。又東合二小水。又東南入喀爾喀三音諾顏部界。托爾和里碩河出其東北。二水合南流亦入三音諾顏部界。特斯河自喀爾喀扎薩克圖汗部西北流入界。經唐努山南折西南流。納林河上承金集里克河。右合額爾孫河南流注之。折西塔爾拉克河薩穆噶勒河爲爾雅

蘇台河古爾班錫特里克河諸水並西南流注之。又西匯為烏布薩泊。泊跨唐努山。科布多二境。和賴河上承哈拉泊水。額爾格湖泉德布塞爾河西南流。瀦焉。特里河伊爾博台河額和爾渾錫博里河托爾和爾克河。漢達格圖河並南流。瀦焉。其西及南岸並為科布多布杜爾伯特旗界。東界喀爾喀土謝圖汗部。西界科布多所屬諸部。南界喀爾喀札薩克圖汗部。北界俄羅斯。